

D' Singerhex

Eine Ettlinger Sage

*Wenn dich a Frau recht nerve dud,
dann hausch se net, glei uf de Kud -
„Du alte Hex“ ruysch ihre noch,
denn des versteht se, selle Sproch.
Des isch uf de ganze Welt a so,
in Ettlinge un annerschtwo.*

*Bei uns, gibt's do en gude Grund!
Die Gschicht, die geht von Mund zu Mund
von sellem Weib - sie isch bekannt -
die Singerhex werd se genannt.*

*Glei hinner St. Martin hat se ghaust,
in ihre Döpf hat 's brodelt un braust
un dicke Wälzer hat se glese,
mer sagt, 'sen Hexebicher gwese.*

*Kloi war se, hässlich wie die Nacht,
d' Leut uf de Strass hen se ausgelacht,
des hat se ufgregt ohne End-
gschwind isch se in ihr Kich neigrennt.*

*In ihren Kessel voller Wut
schmeißt se, was se so finde dud,
als ersches nimmt se Katzedreck
un schimmeligen Hundespeck.*

*E halbe Kröt, drei Spinneboi
schmeißt se in ihren Kessel noi,
den füllt se uff mit Schweineblud
un dreizehn Stund lang kocht ses gud.*

*„Jetzt fehlt mir bloß en Zauberspruch!
wo fin i den, wo isch des Buch?
Genau, do hinerm Hexebese!
Do ischs doch immer scho gewese.*

*E schwarze Katz, die will i sei!
So komm i am beschte in d' Ställe nei,
Durch d' Katzeklapp bin I glei drin
Un koiner woiß dass I des bin.“*



*Un ihren Kessel hold se her.
Sie trinkt ihn wirklich halber leer
Un dreimal ruft se „Ratz, fatz Katz!“
Un hockt als Katz uff sellem Platz.*

*Un Nacht für Nacht plogt se des Vieh
von Middernacht bis in die Frih -
koi Milch hen d' Küh, die Pferd sind schlapp
un komme gar nimmer uff Trapp.*

*Die Eddlinger hen e große Wut,
Doch koina had de rechte Mut!
Bloß oina legt sich uf die Laua:
Der Naze war's, denn der war saua!*

*Vom Martinsturm schlagts Middernacht -
Was isch jedzd des? Jedzd, geb bloß acht!
Was rascheld do, was kommt do rei?
Des kann doch bloß die Hex do sei!*

*Isch des e Hex? Des isch e Katz!
Doch plötzlich macht se 'n große Satz!
Sie springt de Kuh ufs gefleckde Fell!
Der Baua, greift zum Knibbel schnell.*

*Und haud die Katz, wo er se griegt,
Bis von de Kuh se runner fliegt.
Schnell willer se am Schwanz noch fasse -
Doch die will sich net fange lasse.*

*Kalb isch se hie, die hat ihr Fett!
Dehoim liegt d' Hex in ihrem Bett
Un Kopf un Händ hat se verbunde -
Die Katz isch aus de Ställ verschwunde!*